

Phd докторантураға, оның ішінде университетке мақсатты даярлық бойынша тұлғаларды қабылдау кешенді тестілеу (бұдан әрі – КТ) немесе түсу емтихандарының нәтижелері бойынша конкурстық негізде жүзеге асырылады.

Докторантураға түсушілердің өтініштерін қабылдау жылына 2 рет Ұлттық тестілеу орталығының ақпараттық жүйесі (app.testcenter.kz) арқылы келесі мерзімде жүргізіледі:

**Докторантураға құжаттар қабылдау:**

- 1) күнтізбелік жылдың 3 шілдесінен 3 тамызына дейін;
- 2) күнтізбелік жылдың 1-18 қарашасы аралығында.

**Докторантураға білім беру бағдарламаларының топтары бойынша түсу емтихандары мына уақыт аралығында өткізіледі:**

- 1) күнтізбелік жылдың 4 тамызынан 20 тамызына дейін;
  - 2) күнтізбелік жылдың 19 қарашасынан 11 желтоқсанына дейін;
- 4-20 тамыз аралығында өткізілген түсу емтиханының сертификаты ағымдағы күнтізбелік жылдың 1 желтоқсанына дейін жарамды;
- 19 қараша мен 11 желтоқсан аралығында өткізілген түсу емтиханының сертификаты келесі жылдың 1 наурызына дейін жарамды.

**Докторантураға қабылдау мына аралықта жүргізіледі:**

- 1) күнтізбелік жылдың 15 тамызынан 28 тамызына дейін;
- 2) күнтізбелік жылдың 26 желтоқсанынан 10 қаңтарына дейін.

Оқуға түсу емтиханын тапсыру күні мен уақыты, орны оқуға түсушілердің назарына жеке кабинет арқылы жеткізіледі.

Мемлекеттік білім беру тапсырысы бойынша докторантураға Конкурстық және ақылы негізде түсу үшін КТ нәтижелері бойынша кемінде 75 балл жинаған тұлғалар қабылданады.

Қысқы қабылдауға түсушілер ҰБДҚ-да «білім алушы» мәртебесіне ие болмауы тиіс.

Докторантураға «магистр» дәрежесі және кемінде 9-ай еңбек өтілі бар тұлғалар қабылданады.

Докторантураға түсуші тұлғалар университетке және (немесе) ақпараттық жүйе арқылы келесідей құжаттарды тапсырады:

- 1) өтініш (еркін түрде);
- 2) жеке басын куәландыратын құжаттың көшірмесін;
- 3) білімі туралы құжатты (түпнұсқа, қабылдау комиссиясына құжаттарды тапсыру кезінде);
- 4) шет тілін меңгерудің жалпыеуропалық құзыреттеріне (стандарттарына) сәйкес шет тілін меңгергенін растайтын халықаралық сертификатын;
- 5) ҚР ДСМ - №175/2020 бұйрығымен бекітілген электрондық нұсқадағы 075/у нысанындағы медициналық анықтама, флюорография суреті;
- 6) өлшемі 3х4 сантиметр алты фотосурет және JPG электрондық нұсқасымен;
- 7) кадрларесебібойыншажекеіспарағынемесежұмысорныбойынша кадр бөлімірастағанеңбекқызметінрастайтынөзге де құжатты;
- 8) ғылыми және ғылыми-әдістемелік жұмыстардың тізімін (бар болған жағдайда).

Осы тармақта көрсетілген құжаттардың көшірмелерімен бірге салыстыру үшін олардың түпнұсқалары ұсынылады. Салыстыру түсушінің қатысуымен жүргізіледі. Салыстыру жүргізілгеннен кейін түпнұсқалар қайтарылады.

Осы тармақта көрсетілген құжаттар тізбесін толық ұсынбаған жағдайда қабылдау комиссиясы түсушілерден құжаттарды қабылдамайды.

Докторантураға түсушілер шет тілін меңгерудің жалпыеуропалық құзыреттеріне (стандарттарына) сәйкес шет тілін меңгергенін растайтын халықаралық сертификаттарын ұсынады:

- ағылшын тілі: (IELTS (АЙЛТС), шекті балл – кемінде 5,5;
- (TOEFL IBT (ТОЙФЛ АЙБИТИ), шекті балл – кемінде 46);

- (TOEFL PBT (Тест ов Инглиш аз а Форин Лангудж пэйпер бэйсед тэстинг)) шекті балл – кемінде 453;
- (TOEFL ITP (ТОЙФЛ АйТиПи), (Test of English as a Foreign Language Institutional Testing Programm) шекті балл – кемінде 460;

неміс тілі: Deutsche Sprachprüfung fuer den Hochschulzugang (дойче шпрахпрюфун фюр дейн хохшулцуган) (DSH, Niveau B2/B2 деңгейі), TestDaF-Prüfung (тестдаф-прюфун) (Niveau B2/B2 деңгейі);

француз тілі: Test de Français International™ -Тест де франсэ Интернациональ (TFI (ТФИ) – оқу және тыңдалым секциялары бойынша B1 деңгейден төмен емес), Diplôme d'Études en Langue française - Диплом дэтюд ан Ланг франсэз (DELF (ДЭЛФ), B2 деңгейі), Diplôme Approfondi de Langue française - Диплом Аппрофонди де Ланг Франсэз (DALF (ДАЛФ), C1 деңгейі), Test de connaissance du français - Тест де коннэссанс дю франсэ (TCF (ТСФ) – кемінде 50 балл).

Ұсынылатын сертификаттардың түпнұсқалығы мен жарамдылық мерзімін ЖЖОКБҰ-ның қабылдау комиссиялары тексереді.

TOEFL ITP (Test of English as a Foreign Language Institutional Testing Programm) сертификаты бар тұлғалар докторантураға түсу емтиханы басталғанға дейін ағылшын тілін білуге арналған қосымша тестілеуді тапсырады.

Ағылшын тілін білуге арналған қосымша тестілеудің тест тапсырмаларының саны 100 сұрақты құрайды. Ең жоғарғы балл саны 100 балды құрайды.

Ағылшын тілін білуге арналған қосымша тестілеу "өтті" немесе "өтпеді" деген нысанда бағаланады. "Өтті" деген бағаны алу үшін кемінде 75 балл жинау керек.

Ағылшын тілін білуге арналған қосымша тестілеуді ҰТО білім беру саласындағы уәкілетті орган айқындаған ұйымдарда өткізеді. Ағылшын тілін білуге арналған қосымша тестілеудің өткізілу күні, уақыты және орны түсушіге оның "жеке кабинеті" арқылы жолданады.

Докторантураның білім беру бағдарламаларының топтары бойынша компьютерлік форматтағы түсу емтиханы 5-қосымшаға сәйкес білім беру саласындағы уәкілетті орган айқындаған ұйымдарда өткізіледі.

Докторантураға компьютерлік форматтағы түсу емтиханы:

- эссе жазудан;
- докторантурада оқуға дайындығын анықтауға арналған тестілеуден;
- білім беру бағдарламасы тобының бейіні бойынша емтихан сұрақтарына

жауаптардан тұрады

"Педагогикалық ғылымдар", "Жаратылыстану ғылымдары, математика және статистика", сондай-ақ "Гуманитарлық ғылымдар", "Әлеуметтік ғылымдар", "Бизнес және басқару" кадрларын даярлау бағыттары бойынша түсуші тұлғалар осы қабылдау Ережесінің 6-қосымшасына сәйкес балдармен Graduate Record Examinations (грэдуэйт рекорд экзаменейшен) GRE стандартталған тестін тапсыру туралы халықаралық сертификаты бар болған жағдайда докторантураға түсу емтиханынан босатылады.

Ұсынылатын сертификаттардың түпнұсқалылығын және жарамдылық мерзімін ЖЖОКБҰ-ның қабылдау комиссиялары тексереді.

9-қосымшаға сәйкес қорытынды баға эссе, докторантурада оқуға дайындығын анықтауға арналған тест, білім беру бағдарламасы тобының бейіні бойынша емтихан сұрақтарына берілген жауаптар нәтижелерінің қосындысынан алынған балдар жиынтығынан тұрады.

Докторантураға түсу емтиханына 4 сағат (240 минут) беріледі, оның ішінде:

- докторантурада оқуға дайындығын анықтауға арналған тестілеуге – 50 минут;
- эссе және білім беру бағдарламасы тобының бейіні бойынша емтихан сұрақтарына

жауаптар жазуға – 190 минут (3 сағат 10 минут).

Докторантураға тұлғаларды ақылы негізде қабылдау шет тілін меңгерудің жалпыеуропалық құзыреттеріне (стандарттарына) сәйкес шет тілін меңгергенін

растайтын халықаралық сертификатының негізінде және докторантураның білім беру бағдарламалары топтарының бейіні бойынша түсу емтиханының қорытындысы бойынша және мүмкін болған 100 балдан кемінде 75 балл жинаған жағдайда жүзеге асырылады.

Мемлекеттік білім беру тапсырысы бойынша докторантурада білім алу үшін түсу емтиханынан кемінде 75 балл жинаған тұлғалар конкурстық негізде қабылданады.

**Қосымша 5**  
**«Абай атындағы Қазақ ұлттық педагогикалық университетіне» КеАҚ оқуға қабылдау Ережелері**

**Докторантура білім беру бағдарламалары топтарының тізбесі**

<b>Білім беру бағдарламасы тобының нөмірі</b>	<b>Докторантура білім беру бағдарламасы тобының атауы</b>
D001	Педагогика және психология
D002	Мектепке дейінгі оқыту және тәрбиелеу
D003	Пәндік мамандандырусыз педагогтарды даярлау
D004	Бастапқы әскери даярлық педагогтерін даярлау
D005	Дене шынықтыру педагогтерін даярлау
D006	Музыка мұғалімдерін даярлау
D007	Көркем еңбек, графика және жобалау педагогтерін даярлау
D010	Математика мұғалімдерін даярлау
D011	Физика мұғалімдерін даярлау
D012	Информатика мұғалімдерін даярлау
D013	Химия мұғалімдерін даярлау
D014	Биология мұғалімдерін даярлау
D015	География мұғалімдерін даярлау
D016	Тарих мұғалімдерін даярлау
D017	Қазақ тілі мен әдебиеті мұғалімдерін даярлау
D018	Орыс тілі мен әдебиеті мұғалімдерін даярлау
D019	Шет тілі мұғалімдерін даярлау
D021	Арнайы педагогика
D057	Лингвистика
D061	Әлеуметтану
D062	Мәдениеттану
D064	Халықаралық қатынастар
D065	Аймақтану
D066	Психология
D070	Экономика
D080	Биология
D084	География

**Қосымша 6**  
**«Абай атындағы Қазақ ұлттық педагогикалық университетіне» КеАҚ оқуға қабылдау Ережелері**

GRE халықаралық стандартталған тест			Түсу емтихандары	
Тест секциялары	"Педагогикалық ғылымдар" білім салаларына арналған, "Гуманитарлық ғылымдар", "Әлеуметтік ғылымдар" кадрларды даярлау бағыттарына арналған балдар	"Жаратылыстану ғылымдары, математика және статистика", "Ақпараттық-коммуникативтік технологиялар", "Инженерлік, өңдейтін және құрылыс салалары" білім салаларына арналған, "Бизнес және басқару" кадрларды даярлау бағыттарына арналған балдар		Балл
Quantitative Reasoning	кемінде 159 балл	кемінде 164 балл	Білім беру бағдарламалары топтарының бейіні бойынша түсу емтиханы	100
Verbal Reasoning	149 балдан кем емес	145 балдан кем емес	Жалпыеуропалық құзыреттерін е	100
Analytical Writing	3 балдан кем емес	2 балдан кем емес	(стандарттарына) сәйкес шет тілін меңгергенін растайтын халықаралық сертификат	

**Қосымша 9**  
**«Абай атындағы Қазақ ұлттық**  
**педагогикалық университетіне» КеАҚ**  
**оқуға қабылдау Ережелері**

**Докторантураға түсу үшін 100 балдық бағалау жүйесі**

<b>Тест түрі</b>	<b>Балл</b>
Эссе	20
Докторантурада оқуға дайындық тесті	30
Білім беру бағдарламасы тобының бейіндік емтиханы	50
<b>Барлығы</b>	<b>100</b>